

Engoitoi e'nJeunoto

*Ore poki'rorei
lo'lKigerot neitubulu engAi.*



SGM International
3 Eccleston Street London SW1W 9LZ
England

Maasai-Samburu WOS

MET

Amu eishu ororei le'ngAi,
neitoki aita engolon, neitoki api
alang olalem opi imbat pokira
are, nerem, neor engishui, o
oltau o'robat o indolo, nelelek
te'iyolounoto, o endamunoto
o'ltau.

—Heb. 4. 12.

Ore ororei lai nemaaitoki
arinyokino pesho, kake kei-
tabaiya nena naiyeu nanu, nelu
aitumunyan ina'bae nairiwaka
metaasa.

—Isa. 55. 11.

Embolokinoto o'rorei linono,
napik oltungani ewangan, nepik
olmodai engeno.

Zaburi 119. 130.

Engitobirunoto e'ngop.

Te'ngiterunoto eitobira engAi shumata, o engop.

Gen. 1. 1.

Neitobiraki indokitin poki te ninye ; naa tene me ninye anata metii endoki nabo naitobiraki.

Johana 1. 3.

Engitobirunoto o'ltungani.

Neitobir engAi oltungani te'mpukunoto enye makewan, te'ngitanyanyukoto e'ngAi eitobira ninye ; eitobira olee, o engitok.

Gen. 1. 27.

Neitobir olAitoriani oltungani te'nderit e'ngop, neitoki akutaki engianget engume enye, entooma e'ngishui ; neako keata oltungani oltau oishu. Neitoki olAitoriani engAi aitobir engurma te'ngalo e'ngilepunoto, ti atwa Eden : nepik ine oltungani, ilo apa—oitobira.

Gen. 2. 7-8.

Neiya olAitoriani engAi oltungani apik atwa ina'gurma e Eden, pe eitobir ninye, neramat. Neitanap olAitoriani engAi oltungani, ajoki, Ore poki'shani otii atwa engurma, aaisho, Inosa anaa eniyeu. Kake ore ilo'shani likintaiyolo isupati o indorok, minus ilnganaiyo lenyena.

Gen. 2. 15-17.

Enjingata o'ngok.

Ore olasurai, naa ngen ninye alang ingwesi poki e'ngota naitobira olAitoriani engAi. Neirorie ninye ina'gitok, nejoki, Ee, ketejo engAi, Eminya ilnganaiyo lo' lgek poki le'ngurma? Nejoki ina'gitok olasurai, Eishoki iyok maainosa ilnganaiyo lo'lgek le'ngurma. Kake ore ilnganaiyo le ilo' shani otii embolos e'ngurma, etiaka iyok engAi, Eminos ilnganaiyo lenyena, nimiseyeye pe mieeyeye. Nejoki ilo'asurai, Esepa mieeyeye endae: amu ore engAi eiyolo injere ti atwa ina'olong nino-

sinoso ilnganaiyo le ilo'shani, nebolo ingonyek inyi, nituu endae anaa ingaitin aiyolo isupati o indorok. Ore pe edol ina'gitok ilo'shani injere ai sidai te'ndaa, naa keitiship sii ingonyek, naa injere olchani sii ongwaraiyu, oitengen oltungani, neitaiyu ninye ti atwa lelo'nganaiyu lenyena, neinos, neisho sii olmoruo lenye te nebo ninye, nanya sii ninye.

Gen. 3. 1-6.

Nejoki olAitoriani engAi ena-gitok, Kaa itaasa iye ? Nengamaa ina'gitok, nejo, Ilo'asurai laateleja, nainosa nanu. Neliki olAitoriani engAi ilo'asurai, ajoki, Ore amu itaasa ena'bae, kite-diaki iye te'dokoya ingishu poki, o te'dokoya ingwesi e'ngota ; naa inkortotari te'ngoshoke ino, naa ingulupuok inya iye ingolongi poki e'ngishon ino : naa kapiki nanu ol o'mangati ereshata iye o ina'gitok, ereshata eishoi ino o enenye ; nikiosh ninye elugunya ino, niosh iye entutunyo enye. Nejoki

ninye ina'gitok, Kaponiki emion oling e'notai ino, niu ti atwa emion ingera ; Ore eiyeunoto ino, neako ol lo'Imoruo lino, neako ai kintore ninye iye. Nejoki ninye Adamu, Ore amu itoningo oltoilo le'ngitok ino, ninosa ilnganaiyo le ilo'shani laaitanapa iye, ajoki, Minya ilnganaiyo lenyena : etediaki ena'gop te'ngaraki iye ; naa inya iye ilnganaiyo lenyena ingolongi poki e'ngishon ino te'nyamali ; nikintubuluaki ilkeko o indulelei e'ndim ; ninya iye endiate e'ngurma ; ti atwa engini-nyiret e'ngomom ino, inya endaa ino, metabana nirinyo atwa enderit ; amu te ine kitaini : amu aa ira iye enderit, naa irinyokino iye atwa ina'derit.

Gen. 3. 13-19.

Nenangoni abori ilo'asurai sapok, naa ninye olapa'asurai musana, oji olOirirua o Shetani, laa ninye oiminie engop poki.

Embolunoto 12. 9.

Engaraki e nena, anaa enaikunono injere to'regie lo'ltungani obo, ete-jingye ingok engop, o engea sii te ilo'regie lo'ngok; nenoto iltungana poki engea, amu etaasa ingok poki.

Roman 5. 12.

Entoroni o'ltungani, anaa ena- dolita en engAi.

Kitiu iyok poki anaa indare naimina, nikimbelegenyate aim ingoitoi ang maate.

Isa. 53. 6.

Neingor olAitoriani etii shumata, ingera o'ltungana ti abori, adol ten aa ketii oloata engeno, ana oloingoru engAi. Eshomo poki imbat; neitururo poki te nebo, neako il o'loiririoni; nemetii hoo obo oas isupati.

Zaburi 14. 2-3.

Anaa enatesiraki injere metii osupat obo. Neito eiyolou ninje engoitoi o'sotua : nemeata olturiaki le'ngAi te'dokoya ingonyek enye. . . . Amu eata poki ingok, neitongoro engisisa e'ngAi.

Roman 3. 10, 17, 18, 23.

Eteena isirat indokitin poki ti abori ingok, pe eishori enatejo te'ngi-rukoto ti atwa Jesu Kristo, lelo poki oiruk.

Galatia 3. 22.

Enaikuna engAi ten enyoru iltungana.

Amu etonyora engAi engop, nei-shorua engerai enye nabo, ore oloiruk poki, nemeimin, naa ketum engishon nemeiting.

Johana 3. 16.

Ti atwa ele-rorei eibalunyeki enyorata e'ngAi ti atwa iyok, injere eiriwaa engAi enGerai enye nabo engop, pe kitum atopok te ninye. Ele'rorei, ninye enyorata, injere me iyok otonyora engAi, kake ninye natonyora iyok, neireo enGerai enye metaa olasar lo'ngok ang.

1 Johana 4. 9-10.

Elotunoto enGerai e'ngAi, apa pe elotu engop.

Oloiruki ele'rorei, neitoki aitaiyolo metonyoruni, injere euo Kristo Jesu engop aitajeu iloata ingok.

1 Tim. 1. 15.

Eitaa kewan meata toki, netiu anaa osinga, neitorisioki kewan iltungana.

Filipi 2. 7.

Neuo ninye engop, neitobiraki ena'gop engaraki ninye, neito eiyolou engop ninye.

Johana 1. 10.

Einoto enye.

Ore einoto e Jesu Kristo naa inji eikunono : . . . Neidipaiyu nena poki, pe etum atabai natejo olAitoriani te'ngutuk o'laidetidetani, pe ejo, Engorai, amu kenotaiyu endito, naa keiu engaiyoni, neiboti engarna enye, ajo, Imanueli, laa ten eibalunyeki, injere eboitare engAi iyok.

Mataiyo 1. 18, 22-23.

Naa keiu engaiyoni, nimbot engarna enye ajo Jesu, amu ninye oitajeu iltungana lenye, to'ngok enye.

Mataiyo 1. 21.

Engishon enye te ene te ena'gop

Ninye Jesu le Nazareti otepika engAi eilata to'lTau Sinyati te nebo engolon, oshomo amanaa aas isupati, neishiunye ilomui poki to'loiriruani ; amu etii engAi te nebo ninye.

Isat 10. 38.

Neman Jesu ingangitie poki sapuki,
o ingutiti, eisomisha to'ngajijik e'ngAi
enye, nelikio ororei supat le'ngarsisisho
e'ngAi, neishiunye impukunot o'muian,
o impukunot poki o'ngeatin.

Mataiyo 9. 35.

Nepwo enetii ninye olorora kitok,
netii te nebo ninje ilngojinia, o ilmo-
dook, o ilemeiro, o ilokordo'aik, o
ilkulekae kumok, negilaki kung asai,
neishiunye ninye ninje.

Mataiyo 15. 30.

Engea enye naitutumo iyok o engAi.

Etejo, meata injere mepiki enGerai
o'ltungani ingaik o' loata ingok, neilili,
nepiu te'ngolong e uni aitoki.

Luka 24. 7.

Ore pe ebaiki ninje eweji neji en e'mborbor, neilili ninye. . . . Nejo Jesu, Papa, tapalaki ninje, amu meiyolo ninje enaasita. Luka 23. 33-34.

Etemenaiyoki ninye, neany iltungana ; oltungani lo'sinaitin, neiyolo osina oling. . . . Esepa etanapa ninye isinaitin lang, netanapa ilkiyo lang : ore te nena poki nikijo iyok etaaraki, olotaara e'ngAi, neisilisi. Kake etepikaki ninye ilbaa te'ngaraki o'ngitaruorot ang, neidongoki to'ndorok ang ; . . . nikinjiu iyok to'narat enyena. Kitiu iyok poki anaa indare naimina ; kimbelegeniyate poki aim ingoitoi ang maate ; eiteleikia olAitoriani shumata ninye indorok ang poki. . . . Eitaiyoki ninye te'ngisililoto, neigwenarieki ; netaaraki ninye te'ngaraki o'ngitaruorot o'ltungana laini. Neitobiraki ninje ninye engurare te nebo iltorok, neboitare ninye ilgarsisi te'ngea enye ; neito hoo eas ninye entoroni katukul, neito etumi emongoi te'ngutuk enye

katukul. Eibugoiye ninye oltau lenye metabaiki 'keeya, neikenaiyoki ninye te nebo lelo'torok ; ore te nebo nena netanapa ninye ingok o'ltungana kumok, neitoki aomonoki lelo oitaruo.

Isa. 53. 3-6, 8, 9 12.

Etua Kristo te'ngaraki o'ngok ang te'risioroto o'lkigerot.

I Kor. 15. 3.

Neitoki Jesu ajoki ninje kat' are, Esepa, esepe, ajoki endae Ara nanu engishomi o'ndare. . . . Ara nanu olchogut supat ; neitaiyu olchogut supat engishon enye engaraki o'ndare. Naata nanu ingulye'dare, neme in e ele'ale ; nenare nariku ninje, nening oltoilo lai ; neako emboo nabo, olchogut obo.

Johana 10. 7, 11, 16.

Empiunoto enye, o Engilepata enye pe elo Keper.

Nejoki ninye ninje, Etesiraki kuna, injere ketum Kristo emion, nepiu aitoki aingwaa engea, to'ngolongi e uni. Nelikini iloshon poki esirai, o empalakinoto o'ngok, te'ngarna enye.

Luka 24. 46, 47.

Neitopiuo engAi ninye, te'ngolong e uni, neitadua ninye kewan Kake me to'ltungana poki, kake te'shakeni otangasa engAi agelo.

Iasat 10. 40, 41.

Neitadua kewan ninje, eishu, te'siedi engea enye, to' nduat kumok o'sepat, netadua ninje to'ngolongi artam, nelimu imbaa e'ngarsisisho e'ngAi : . . . Ore pe eidip atejo kuna'baa, neton eingorita ninje, nedumuni ailepye; nengamaa engatamboi, nemekure edolita.

Iasat 1. 3, 9.

Ninye oitadua iyok to'sesen, neako ninye sinyati to'ltau, nedol ilmalaika ninye, elikiori ti atwa iloshon, neiruki te'ngop, nengamare te shumata te'ngi-sisa.

1 Tim. 3. 16.

Ore taata eitopiuoki Kristo aitungwaa ilotuata, naa ilnganaiyo le dokoya te lelo otuata. Amu oltungani obo oiyaua engea, naa oltungani obo oiyaua sii empiunoto o'lotuata. Amu etuata poki engaraki Adamu, neija sii etiu te Kristo, eishori poki engishon.

1 Kor. 15. 20-22.

Engoitoi e'njeunoto, anaa enaitobirua engAi.

Nejoki ninye, Kaji aiko, pe ajeu. Nejoki ninje ninye, Iruko olAitoriani Jesu, pe ijeu iye.

Iasat 16. 30-31.

Entejo mikintoki, nishukunyenye,
pe ejuti ingok inyi.

Iaasat 3. 19.

E'sirai ya endae ingok, ninjosh
meibatisai endae te'ngarna e Jesu
Kristo, te'mpalakinoto o'ngok, naa
itumutumu endae engishoroto o'lTau
Sinyati.

Iaasat 2. 38.

Tini kilimu iyok ingok ang, neita-
baiya ninye naa supat, nepalaki iyok
ingok ang, neisuj iyok maatungwai
poki nemesinya.

1 Johana 1. 9.

Amu ten aa imbalunye Jesu te'ngu-
tuk ino, injere ninye olAitoriani, niruk
to'ltau, injere eitopiuo engAi ninye
aitungwaa engea, nijeu. Amu to'ltau
eiruk oltungani, nebaiki isupati, neiba-
lunye te'ngutuk, nebaiki enjeunoto.

Roman 10. 9, 10.

Amu te'munyani itajeutuo endae,
ti atwa engirukoto: neme endae
maate: engishorunoto e'ngAi.

Efeso 2. 8.

Amu ore poki ngae oiboten garna
o'lAitoriani, nejeu.

Roman 10. 13.

Ore poki naaisho Papa, nepwonu
ninje engalo ai; ore ololotu enatii,
nemanangaa katukul.

Johana 6. 37.

Naa ena engishon nemeiting, niki-
taiyoloito ninje Iye, injere Iye ake
engAi nasepa, o ilo liriwa Iye, laa
ninye Jesu Kristo.

Johana 17. 3.

Elakunoto te'ngoitoi o'sarge lenye.

Kake ore taata, ti atwa Kristo
Jesu, endae olakwaniki apa eitinyi-
kuaki endae to'sarge le Kristo.

Efeso 2. 13.

Neituku iyok osarge le Jesu, enGerai enye, maatungwai ingok poki.

1 Johana 1. 7.

Amu eitiship Menye ten etoni inabore poki ti atwa ninye; neitaiyo osotua ti atwa osarge, to'lchata lenye ogorishorieki.

Kolosai 1. 19-20.

Niyolouu, injere eito elakuni endae, to'ndokitin naruoyo, anaa fetha ana sahabu. . . . Kake to'sarge kirotet, naa ninye osarge le Kristo.

1 Petero 1. 18-19.

Laa ninye, kinotie elakunoto, ti atwa osarge lenye, empalakinoto o'ngok ang, te'risioroto engarsisisho e'munyani enye.

Efeso 1. 7.

Amu ore engishui o'sesen, netii atwa osarge, aisho endae ilo'sarge to'lasari entobirie engitutumore te'ngaraki o'ltauja linyi.

Leviticus 17. 11

Naa ten etii oltungani atwa Kristo, naa endoki ngejuk ninye ; etulusoitye indokitin musan ; neako indokitin poki ngejuko.

II Korinsio 5. 17.

OlTau Sinyati.

Naa kaomon nanu Papa, naa keisho ninye endae lekae'Aretokinoni, pe eton te'nebo endae endarasi. Naa olTau lo'sepat ; lemeidim engop anoto, amu medol ninye, nemeiyolo ninye kake iyololo endae ; amu eton ninye ti atwa endae, naa kejing ninye atwa endae.

Johana 14. 16-17.

Kake ledo'Aretokinoni, olTau Sinyati oireo Papa, te'ngarna ai, neitaiyolo endae indokitin poki, neitadamu endae indokitin poki natiaka endae poki.

Johana 14. 26.

Nimintagorigoro olTau Sinyati
le'ngAi, injere etepikaki endae olmi-
shere metabaiki engolong e'lakunoto.

Efeso 4. 30.

Enjomye olTau, nimintabaiyaya
ingolati o'sesen.

Galatia 5. 16.

Amu ore lelo poki otoriko olTau
le'ngAi, ninje ingera e'ngAi.

Roman 8. 14.

Entaboreiya to'lTau.

Efeso 5. 18.

Kake ore ilnganaiyo lo'lTau, naa
enyorata, o engeda, osotua, o engiriata,
o engitobirata o'mbaa, o isupatisho, o
engirukoto, o emboron, o engiboroto
o'mbaa, nemetii ingulye'gitanapat na-
lusoo te'nena.

Galatia 6. 22, 23.

Esinyatisho.

Amu ore enaiyeu e'ngAi, naa esinyatisho inyi.

1 Sesaloniki 4. 8.

Intisinya ninje to-sepat ; naa ororei lino ninye isepat.

Johana 17. 17.

Amu ore ilo oitisinyaki, o lelo oitaa sinyat, eingwaa ninje poki atwa obo : naa te'ngaraki e ina meinos anyet, ten ejo ilalashera.

Hebrania 2. 11.

Neija sii endae, ingena aate injere ituata to'ngok, kake injushu te'ngAi ti atwa Kristo Jesu.

Roman 6. 11.

Kake ore taata eidipaki atalako endae entungwai ingok, niakoko isingan le'ngAi, niatata ilnganaiyo linyi obaiki esinyatisho, ore engitingo. to, naa engishon nemeiting.

Roman 6. 22.

Naa ore ina'Ai o'sotua, e'njoo ninye meituku endae tukul iltauja linyi, o ingishui inyi, o iseseni linyi, pe miatata endae endioto te'lotunoto o'lAitoriani lang, Jesu Kristo. Eitabaiya elde oiboto endae, naa keas sii ninye ina.

1 Sesaloniki 5. 23-24.

Engomono.

Ore endoki poki niomonunu te'ngarna ai, naa kaitaas nanu endae, pe etumi aisisie Papa enGerai. Tin inkilikwanunu endae endoki te'ngarna ai, naitaas endae.

Johana 14. 13-14.

Tin itonini endae ti atwa nanu, neton ororei lai ti atwa endae, ninkilikwanunu endoki niyeuu, naitaas endae.

Johana 15. 7.

Neton eito inkilikwanunu 'toki, te'ngarna ai; entoomonu pe eishori endae.

Johana 16. 24.

Ore poki'toki niomonunu, e'ruko injere inoto, niatata.

Marko 11. 24.

Niomo no engAi ingatitin poki te', ngomono o engishirata ti atwa olTau-niripopo ingatitin poki te'ngomono isinyat poki.

Efeso 6. 18.

Entoomon engAi mingashingasha.

1 Sesaloniki 5. 17.

Engisiaiata o Engiriata.

Nejoki Jesu ilkipaareta lenyena, Ten eiyeu oltungani naasuj, nemenaa kewan, nedumu olchata lenye ogorishorieki pe asuj.

Mataiyo 16. 24.

Eidim engAi aiyao shumata endae emunyani poki, pe iboreiyuyu to'ndokitin poki ingolongi poki. pe itumutumu atulusoi te'siai supat.

II Korinsio 9.

Engaraki ena, ilalashera lainei, entasheito, emiseoseo, entaiyetu esiai ti atwa olAitoriani, ingatitin poki, amu iyololo injere me en e'pesho esiai inyi ti atwa olAitoriani.

I Korinsio 15. 58.

Amu eishoki endae engaraki e Kristo, neme tin iruki ninye ake, kake kinyali sii engaraki ninye.

Filipi 1. 29.

Kake ten aa keishori endae osina engaraki o'supati, imaiyanana endae ; nimiureishoyuyu, ana ingaingaiyaya.

I Petero 3. 14.

Ten aa keibotokini endae to'ndorok, engaraki engarna e Kristo, imaiyanana ; amu ore oltau le'ngisisa, o oltau le'ngAi neton shumata endae.

1 Petero 4. 14.

Enaikuna engAi ten emit eomono- noto o ingitanyanyukoto, neme engAi.

Ara nanu olAitoriani engAi ino, ilo likintaiyo te'ngop e Misiri, nikingtungwaa ina'aji e'singaisho. Miata gulye'aitin, neme nanu katukul. Mintobir engitanyanyukoto nagwetuni, ana engitanyanyukoto e'ndoki natii shumata keper, ana enatii abori ena'gop, ana en e'ndoki natii atwa engare. Misai nena'dokitin, ana isiai, amu nanu olAitoriani, engAi ino.

Exodus 20. 2-5.

Amu ore ingaitin o'loreren poki, naa ingitanyanyukot ; kake olAitoriani oitobira shumata.

Zaburi 96. 5.

Kiyolo ajo me 'toki nena'gitanyanyukot te'ngop, nikiyolo ajo metii ae'Ai, neme nabo ake.

I Korinsio 8. 4.

Kiata iyok engAi nabo, naa ninye Papa, oata indokitin poki, nikitii iyok atwa ninye; olAitoriani obo Jesus Kristo; aa ninye indokitin poki, nikitii iyok atwa ninye.

1 Korinsio 8. 6.

Nejoki Jesu ninye, Shomo, tungwaiyoki oloirirua, amu etesiraki injere, toomono olAitoriani engAi ino, naa ninye ake openy isiai.

Mataiyo 4. 10.

Entoshorto irobat inyi natii shumata engop, naa engibora o'ngonyek, o iloiririoni, o engwarata torono, o ilderat torok, o engwarata ningwaring wara, o eomonoto o'ndokitin neme engAi: engaraki e kuna'baa nelotu engoro e'ngAi shumata ingera o'lemei-ruk.

Kolosai 3. 5-6.

Embatisho natumi, ten eanyi enjeunoto e'ngAi.

Kaji kingu iyok, pe kijeu, tini kidol
ajo giti enjeunoto sapok nabanji ?

Hebrania 2. 3.

Ore oloiruk enGerai, neata engishon
nemeiting ; kake ore olemeiruk enGer-
ai, nemedol engishon ; kake engoro
e'ngAi naton te shumata ninye.

Johana 3. 36.

Ai ngae oishiraka endae, pe im-
piriri, aingwaa engoro nalotu ?

Luka 3. 7.

Ore elde ongere amir, nejung ku-
na'baa ; naako nanu engAi enye,
neako ninye engerai ai. Kake ore
iloureisho, o lelo lemeiruk, o iloisho
osina, o ilarak, o ilololoito, o ilosa-
kutisho, o ilomon iloipi leme engAi, o

ilaimongok, netum ninje ematwa enye
ti atwa ina'aiposha napejisho te'
ngima, o engibiriti, naa ninye ina'gea
e are.

Embolonoto 21. 7-8.

Enjeunoto najeunyeke, o indorok o'lairirua.

Nepurd ina'Ai o'sotua Shetani ti
abori ingejek inyi asioki.

Roman 16. 20.

Enjoo enashe Papa. . . . Otalakua
iyok maatungwai engolon e'naimin,
neibelegeniyaki iyok engarsisisho
e'nGerai enye kirotet.

Kolosai 1. 12-13.

Engaraki e ina, pe etaboluoki
enGerai e'ngAi, pe eitaruo ninye
isiaitin e Shetani.

1 Johana 3. 8.

OlAitoriani lang, Jesu Kristo, oitaiyo kewan engaraki o'ngok ang, pe etum aitajeu ninye iyok te ena'kata ena, gop torono, te'risioroto enyorata e'ngAi, Papa lang : laa enenye engi-sisa indaras o endarasi. Esai.

Ga atia 1. 3, 4, 5.

Enjopo inareta nabaiya engAi, pe indimidimi aitasheito airesha ingoloti e Shetani.

Efeso 6. 11.

Kinjoo engAi enashe, naisho iyok maatimiri ti atwa olAitoriani lang, Jesu Kristo.

I Korinsio 15. 17.

Erinyunoto e Jesu Kristo.

Naa kaitoki ashukunye, angamaa endae makewan ; ore enatii nanu, naa ine itii sii endae.

Johana 14. 3:

Ele ninye Jesu oiwaki aitungwaa endae aiyaa shumata, naa keshukunye aikunonye inji anaa enitaduaiye ninye eshomo shumata.

Iasat 1. 11.

Amu kedou olAitoriani openy, aingwaa shumata, to'ltoilo sapok, oltoilo lo'lmalaiika kitok, te nebo emouo e'ngAi ; ore lelo otuata ti atwa Kristo, nepiu ninje te'dokoya ; Kake ore iyok iloishu otongaiyoki, nedumuni ailepye te nebo engatamboi, niki-nangare olAitoriani te shumata : niki-boitare iyok olAitoriani endarasi.

I Sesaloniki 4. 16-17.

Kake kiyolo injere, ten elotu ninye, nikituu iyok anaa ninye ; amu kidol ninye enaikunono ninye.

1 Johana 3. 2.

Entengenuoto, amu miyololo engolong nalotu olAitoriani linyi. . . .

Entengenuoto sii endae, amu te'ngata
nimimbarteshosho, elotu enGerai
o'ltungani.

Matalyo 24. 42, 44.

E'ngorai, nanu olotu asioku, naata
elaakinoto ai te nebo nanu, nalaki
poki'tungani te'risioroto enaikunono
esiai enye.

Embolunoto 22. 12.

Esai, Wou olAitoriani Jesu.

Embolunoto 22. 20.

Naa ilguti ake lelo'rorei
oingwaa embuku naji Biblia,
embuku e'ngAi. Neata ina
'buku kulekae'Rotei kumok
lo'Sepat. Neidim oltungani
lo'Misheni ana ilo lo'lduka
le'mbu kuikintaduaki iye ina'
buku, o eweji nindim anoto
teh aa iyeu ninye.